

P R A E F A T I O.

Caeterum hoc genus obseruationum partim vsui proprio, partim eruditioni G R O T I I nostri quem interpretibus plerisque anteponimus, partim praeceptis Cel. F I S C H E R I, cui proximum Grotio locum concederemus, nos omnino debere lectores sciunto.

Reliquae notae *criticae* sunt, i. e. eae, quae in sanitatem lectionis inquirunt. Examinauimus autem potissimum varias et Houhigantii et versionum veterum scripturas. Atque vt lectores de eo, quod super versionum illarum vsu diximus, rectius possint iudicare, quae sit in vniuersum nostra sententia, qua notae illae nituntur, exponemus.

Syriaca versio Polyglottorum quibusdam in libris cum Alexandrina mirifice conuenit, vt suspicemur, eius autorem Alexandrinos in vertendo secutum esse, et modo Codicem ebr. ad manus habuisse, quem iis in locis, vbi lacuna esset in Alexandrinis, aut versio ipsi suspecta, consuleret. Ii, qui statuunt Versionem Vulgatam ex Versione Alexandrina confectam esse, ea, quae de Syriaca diximus, facilius concedent: scilicet vel ex hoc Malachiae libello intelligent,